



**Persónuverndarstefna
Leikskólans Tröllaborgar**



Leikskólinn Tröllaborg



Yfirlýsing

Leikskólinn Tröllaborg hefur einsett sér að tryggja áreiðanleika, trúnað og öryggi persónuupplýsinga sem starfsfólk leikskólans vinnur. Leikskólinn Tröllaborg hefur á þeim grundvelli sett sér svohljóðandi persónuverndarstefnu sem byggð er á persónuverndarstefnu Sveitarfélagsins Skagafjarðar sem samþykkt var af Bygðarráði 5. júlí 2018.

1. Tilgangur og gildissvið

Leikskólinn Tröllaborg leitast við að uppfylla í hvívetna þá persónuverndarlöggjöf sem er í gildi hverju sinni og er stefna þessi byggð á lögum nr. 90/2018 um persónuvernd og vinnslu persónuupplýsinga („persónuverndarlög“).

Með stefnu þessari leggur Leikskólinn Tröllaborg áherslu á mikilvægi þess að gætt sé að því að öll vinnsla persónuupplýsinga innan leikskólans fari fram í samræmi við ákvæði persónuverndarlaga.

Stefnan gildir um sérhverja vinnslu persónuupplýsinga innan Leikskólans Tröllaborgar.

Persónuverndarstefna þessi lýsir vinnslu Leikskólans Tröllaborgar á persónuupplýsingum. Leikskólinn Tröllaborg mun einnig leitast við að veita upplýsingar eins og við á um vinnslu persónuupplýsinga sem leikskólinn vinnur með á hverjum tíma.

2. Hvað er vinnsla persónuupplýsinga?

Persónuupplýsingar í skilningi stefnu þessarar eru hvers kyns upplýsingar um persónugreindan eða persónugreinanlegan einstakling, þ.e. upplýsingar sem hægt er að rekja beint eða óbeint til ákveðins einstaklings. Upplýsingar sem eru ópersónugreinanlegar teljast ekki persónuupplýsingar.

Undir hugtakið vinnsla fellur öll notkun og meðferð persónuupplýsinga, s.s. söfnun, skráning, varðveisla og eyðing.

3. Hvernig vinnur Leikskólinn Tröllaborg persónuupplýsingar?

Öll vinnsla Leikskólans Tröllaborgar á persónuupplýsingum fer fram í skýrum tilgangi og byggist á lögmætum grundvelli samkvæmt persónuverndarlögum. Gætt er að því að persónuupplýsingar séu ekki unnar frekar á þann hátt að vinnslan sé ósamrýmanleg hinum upprunalega tilgangi vinnslunnar.

Leikskólinn Tröllaborg leggur áherslu á að ekki sé gengið lengra í vinnslu persónuupplýsinga en þörf krefur, til að ná því markmiði sem stefnt er að með vinnslunni.



Til þess að tryggja að unnið sé með persónuupplýsingar í samræmi við meginreglur persónuverndarlaga veitir Leikskólinn Tröllaborg starfsfólki sínu fræðslu og þjálfun í því hvernig skuli umgangast slíkar upplýsingar.

4. Um hverja safnar Leikskólinn Tröllaborg persónuupplýsingum?

Leikskólinn Tröllaborg vinnur t.a.m. persónuupplýsingar um:

- börn í leikskólanum,
- starfsfólk leikskólans,
- foreldra/forsjáraðila.

5. Hvaða persónuupplýsingum safnar Leikskólinn Tröllaborg?

Leikskólinn Tröllaborg safnar og varðveitir ýmsar persónuupplýsingar um framangreinda einstaklinga, en þó eingöngu upplýsingar sem eru nauðsynlegar og viðeigandi með hliðsjón af tilgangi vinnslunnar hverju sinni.

Undir tilteknum kringumstæðum safnar Leikskólinn Tröllaborg viðkvæmum persónuupplýsingum, s.s. um heilsufar, trúarbrögð og þjóðernislegan uppruna. Sérstök aðgát skal höfð við vinnslu slíkra upplýsinga.

Leikskólinn Tröllaborg aflar að mestu persónuupplýsinga beint frá þeim einstaklingi sem upplýsingarnar varða og foreldrum/forsjáraðilum barna. Við tiltekna aðstæður geta upplýsingarnar þó komið frá þriðja aðila, t.d. Þjóðskrá, heilbrigðisstofnun eða öðrum þriðja aðila. Þegar upplýsinga er aflað frá þriðja aðila mun Leikskólinn Tröllaborg leitast við að upplýsa viðkomandi einstakling/foreldra/forsjáraðila barns um slíkt, eftir því sem við á.

6. Á hvaða grundvelli safnar Leikskólinn Tröllaborg persónuupplýsingum?

Leikskólinn Tröllaborg safnar persónuupplýsingum fyrst og fremst til að geta uppfyllt skyldur sínar á grundvelli gildandi laga um leikskóla. Þá safnar Leikskólinn Tröllaborg einnig persónuupplýsingum vegna samningssambands sem Leikskólinn Tröllaborg er í, t.d. við starfsfólk eða verktaka, eða til að koma slíku samningssambandi á. Þá byggir Leikskólinn Tröllaborg suma vinnslu jafnframt á samþykki hinna skráðu, s.s. vegna myndbirtingar í leikskólum.

7. Varðveislutími

Þar sem Leikskólinn Tröllaborg er afhendingarskyldur aðili á grundvelli laga nr. 77/2014 um opinber skjalasöfn er Leikskólanum Tröllaborg óheimilt að ónýta eða farga nokkru skjali sem fellur undir gildissvið laganna, nema með heimild þjóðskjalavarðar. Almennt eru þær persónuupplýsingar sem Leikskólinn Tröllaborg vinnur því afhentar Héraðsskjalasafni Skagfirðinga að þrjátíu árum liðnum.

8. Hvernig er öryggi persónuupplýsinga tryggt?

Leikskólinn Tröllaborg leitast við að grípa til viðeigandi tæknilegra og skipulegra ráðstafana til að vernda persónuupplýsingar, með sértöku tilliti til eðlis þeirra. Þessum ráðstöfunum er ætlað að vernda persónuupplýsingar gegn því að þær glatist eða breytist fyrir slysi og gegn óleyfilegum aðgangi, afritun, notkun eða miðlun þeirra.



Leikskólinn Tröllaborg stuðlar að virkri öryggisvitund starfsmanna með viðeigandi fræðslu og þjálfun varðandi öryggi við vinnslu persónuupplýsinga.

9. Miðlun upplýsinga til þriðja aðila

Leikskólinn Tröllaborg kann að miðla persónuupplýsingum til þriðja aðila af mismunandi ástæðum. Þannig geta þriðju aðilar sem veita Leikskólanum Tröllaborg upplýsingatæknipjónustu haft aðgang að persónuupplýsingum, en leikskólanum kann einnig að vera skylt samkvæmt lögum að afhenda þriðja aðila persónuupplýsingar.

Leikskólinn Tröllaborg semur eingöngu við utanaðkomandi aðila sem tryggja öryggi persónuupplýsinga sem þeir vinna með fyrir hönd leikskólans. Þá mun Leikskólinn Tröllaborg ekki miðla persónuupplýsingum utan Evrópska efnahagssvæðisins nema slíkt sé heimilt á grundvelli viðeigandi persónuverndarlöggjafar.

10. Réttindi einstaklinga samkvæmt persónuverndarlögum

Einstaklingar hafa rétt til að vita hvaða persónuupplýsingar Leikskólinn Tröllaborg vinnur um þá og geta eftir atvikum óskað eftir afriti af upplýsingunum. Þá geta einstaklingar fengið rangar persónuupplýsingar um sig leiðréttar og í einstaka tilvikum persónuupplýsingum um sig eytt. Jafnframt geta einstaklingar í ákveðnum tilvikum mótmælt vinnslu persónuupplýsinga og óskað eftir því að vinnsla þeirra verði takmörkuð. Óski einstaklingur eftir að flytja upplýsingar um sig til annars aðila, t.d. til annars sveitarfélags eða annars skóla, getur viðkomandi einnig átt rétt á að fá persónuupplýsingar sínar afhendar til sín á tölvutæku formi eða að þær verði fluttar beint til viðkomandi þriðja aðila.

Í þeim tilvikum er vinnsla Leikskólans Tröllaborgar byggir á samþykki getur sá sem samþykkið veitti alltaf afturkallað það, en afturköllun samþykkis hefur ekki áhrif á lögmæti vinnslu á grundvelli samþykkis fram að afturköllun.

Leikskólinn Ársalir virðir framangreind réttindi einstaklinga samkvæmt persónuverndarlögum.

Leitast er við að bregðast við öllum beiðnum innan mánaðar frá viðtöku þeirra. Sé um að ræða umfangsmikla eða flókna beiðni mun Leikskólinn Tröllaborg upplýsa um slíkar tafir og leitast við að svara í síðasta lagi innan þriggja mánaða frá viðtöku á beiðni.

11. Ábyrgð á grundvelli persónuverndarlaga

Leikskólinn Tröllaborg er ábyrgðaraðili þeirra persónuupplýsinga sem unnið er með í leikskólanum og ákveður aðferð og tilgang vinnslu persónuupplýsinga.

12. Fyrirspurnir og kvartanir

Hafi einstaklingar spurningar um persónuverndarstefnu þessa eða hvernig Leikskólinn Tröllaborg varðveitir eða vinnur persónuupplýsingar að öðru leyti, geta þeir ávallt haft samband við persónuverndarfulltrúa Sveitarfélagsins Skagafjarðar sem mun leitast við að svara fyrirspurnum og leiðbeina einstaklingum um réttindi þeirra samkvæmt persónuverndarstefnu þessari og persónuverndarlögum.

Ef einstaklingur er ósáttur við vinnslu Leikskólans Tröllaborgar á persónuupplýsingum hans getur hann jafnframt sent erindi til Persónuverndar (www.personuvernd.is).



13. Samskiptaupplýsingar

Persónuverndarfulltrúi Sveitarfélagsins Skagafjarðar hefur umsjón með eftirfylgni við persónuverndarstefnu þessari og framfylgni við persónuverndarlög.

Hægt er að hafa samband við persónuverndarfulltrúa sveitarfélagsins með því að senda honum tölvupóst á netfangið personuvernd@skagafjordur.is eða hringja í síma 455-6000.

Samskiptaupplýsingar Leikskólans Tröllaborgar:

Leikskólinn Tröllaborg
Hólum/Hofsósi
551 Sauðárkrókur

14. Endurskoðun

Leikskólinn Tröllaborg getur frá einum tíma til annars breytt persónuverndarstefnu þessari í samræmi við breytingar á viðeigandi lögum og reglugerðum eða vegna breytinga á því hvernig Leikskólinn Tröllaborg vinnur með persónuupplýsingar. Verði gerðar breytingar á stefnu þessari verður slíkt kynnt á heimasíðu Sveitarfélagsins Skagafjarðar, www.skagafjordur.is og á heimasíðu Leikskólans Tröllaborgar, <https://trollaborg.skagafjordur.is/>.

Allar breytingar sem kunna að verða gerðar á stefnunni taka gildi eftir að uppfærð útgáfa hefur verið birt.